



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

Capvt X. Exercitij ejusdem ulterior declaratio.

[urn:nbn:de:hbz:466:1-47123](#)

quia omnibus quæ deforis advenire possunt, exclusis, nihilominus (velut sponsa in lectulo suo per noctem dilectum, quærens) eum cuius amore cætera exclusit, non invenit: quippe qui se adesse dissimulet, consueta nimirum suæ præsentia argumenta subtrahens, illam tenebris, horrore, angore circumfusam relinquens.

Cant. 3.

Illa igitur anima Deo sacrificat in terra deserta, in loco horroris & vastæ solitudinis: quæ, etiam undique destituta ac desolata, omnem animi sui propensionem divino beneplacito planè subiicit: ita ut proinde ei sapiat divina bonitas, cāmq; juxta laudet & approbet, sive ipsam molliter seu durè tractet, & sive in luce consolationis, sive in tenebris desolationis esse velit; quia nempe Deum purè & castè diligens, in ipso Dō nihil nisi Dōm querit.

Sed quoniam ea res summi momenti est in via spirituali, de ea nobis paulò uberiùs agendum est.

## CAPUT X.

### Exercitij ejusdem ulterior declaratio.

#### ¶. I.

*De duplice sapore Christi IESV; & quod summa virtus in eo sit, ut etiam absq; spirituali dulcedine, afflictiones a quo animo toleremus.*

**A**nctus Bernardinus Senensis tomo 3. suorum operum Serm. 9. de  
hoc idem argumentum pertractans, cū illud posuisset: *B.V. a 3.c.1.*  
Christum in se duo continere saporum genera, reliquorum  
saporum differentias contingentia; quorum primus est, sapor dulcoris; alter, sapor doloris seu amaritudinis: atque  
utrumque hunc gustum expertos, tum Beatissimam Dei Matrem, tum Vas electionis Paulum Apostolū; nec verò istius  
Qqq 2 inten-

inferioris amaritudinis expertem fuisse animam Salvatoris  
ad extremum recte solidęq; concludit: summum culmen  
ac velut apicem Christianæ patientiæ in eo confistere, si cui  
omni spirituali dulcedine destitutus, tamen Dei causa li-  
benter adversa sustineas; multoq; esse perfectius, ut iph  
loquitur, in passionibus consolationum penuriam pati,  
quām consolationibus abundare.

Atque huic suæ conclusioni firmando, brevem sed for-  
tem adducit epistolam B. Fratris Jacobi de Tuderto, dedi-  
plici sensu divini amoris, ad sanctum item virum ex eodem  
Ordine Seraphico F. Joannem de Alverna, per id tempus &  
ægrum animo, & consuetis animi delitijs, divinisq; sensi-  
bus carentem. Quæ quidem epistola, quā parte Latine scri-  
pta est, ita habet ad verbum.

*Magnum reputavi & reputo, scire de DEO abundan-*  
*Quare? quia ibi exercetur humilitas & reverentia. Sed ma-*  
*gnum reputavi & reputo, de DEO scire jejunare, & penuria*  
*patri. Quare? quia exercetur ibi fides sine testimonij, & sine*  
*expectatione, charitas sine signis benevolentia. Fundamenta*  
*in montibus sanctis. Per hæc fundamenta ascendit anima, &*  
*illum montem coagulatum, in quo gustat mel de petra, oleum*  
*de saxo durissimo. Hæc B. Jacobus.*

Quibus, licet brevibus, sed succo plenis divinæ ejus-  
dam Sapientiæ, illud quod contendimus, efficit: Homini  
profectum ac perfectionem in via spirituali, non (sicut cer-  
rum rerum imperiti existimant) de coelestium voluptatum  
via ac copia, quibus Deus animas sibi dilectas (sub ipsa pre-  
sertim vitae spiritualis initia) mulgere solet ac perfundere;  
non ex illa blanda familiaritate Sponsi coelestis, & tanquam  
teneris osculis & delicatis amplexibus, petendum & me-  
endum esse: sed ex solidarum virtutum exercitio, etiam in  
dilecti absentia, ex amore forti atque robusto, qui scit  
etiam de Deo jejunare, & suo quasi succo vivere; hoc est,

noa

non D<sup>e</sup>r<sup>i</sup> donis aut consolationibus duci, sed in uno ejus beneplacito, quæcunq; tandem sit rerum facies, perinde acquiescere. Hoc enim præ illo dubitari nequit, ipso suo genere, præstabilius esse ac D<sup>e</sup>o dignius.

Illecebræ illæ spirituales lac infantium sunt, & velut esca, quâ conciliantur ac tenentur in noviter suscepta disciplina; ne spiritualis vitæ amaritudine territi, sensim ad terrena solatia, & jam abdicatas carnis illecebras defluant. At inter acerbas animi crues, absque sensu aut gustu spirituali persistere, & istam animi carnificinam, cum amore, casto, & integra sui sub divinos nutus subjectione sufferre; hoc scilicet robustæ virtutis est, panis fortium, grandium animarum exercitatio. Atque hoc est, quod S. Gertrudi Christus revelare dignatus est: tum demum sibi prorsus placere suorum electorum studia, si D<sup>e</sup>o serviant expensis suis. Illos autem suis expensis D<sup>e</sup>o servire, qui licet saporem devotionis minimè sentiant, in susceptis tamen pietatis exercitijs, quoad possunt, fideliter perseverant.

## §. 2.

*Christum purè amanti, etiam divina solatia refugienda,  
& pro suspectis habenda.*

EX quibus profectò illos decipi necesse est; quos, si contigerit divinis solatijs affluere, aut vel levi guttâ resperi celestis voluptatis, tum demum beatos se, & D<sup>e</sup>o in paucis dilectos existiment: contrà, si spiritualis ariditas, si tenebra mentis inguerint, quasi offensum D<sup>e</sup>rum experiantur, ita de salute sua conclamatutum putent. Sed audiant, in rebus spirituë experientissimū Blōsum, singula suis pon- Spec. Ma- deribus (ut solet) assimantem. Si dulcedine, inquit, inter- nach. diff. narepletus, & supra te ipsum elevatus, usq; ad tertium cœlum evolaveris, ibi, cum Angelis misericordia colloquia; rem tam gran- dem non facies, sicut signavamen & exilium cordis pro D<sup>e</sup>O tuo Affe-

affectuosè sustinueris, ipsig; Salvatori conformatus futur; qm  
in extrema tristitia, radio, pavore & angustia positus, dix  
Patri: fiat voluntas tua.

Subtractionem internæ dulcedinis cum religioso Th  
ma Kempensi exilium cordis appellat: sive quod in illa  
ditate mentis, cor veluti exulat ab homine, quemadmodum  
c. 9.

in Psalmo 39. *Cor meum dereliquit me:* sive quod tunc homi  
in ipso corde suo, tanquam in exilio & ignoto solo versi  
tur, non eandem in illo rerum faciem, non eosdem sensu  
atque affectus inveniens. Quod quidem cordis exilium,  
ex Dei amore & Christi imitatione sustinere; hoc denum  
auctore Blosio, vera & solida animi devotio est, non (u  
alio qui sèpè usuvenire solet) superficies tantum aut umbras  
devotionis. Qui Dei dona studiosius a quo requiruntur  
aut eorum tametsi spirituali dulcedine nimis tenentur, no  
Deum in illis, sed se ipsis non pure diligunt. Atqui summa  
virtutis perfectio, in amore puro atque deficato sita est  
eaque, propter nonnullos Sanctorum legimus, ipsa etiam &  
vina solatia, quantum in ipsis esset, vitare ac defugere possi  
t; ne forte in illis, & non in Deo pure ac quiete, amori  
moris sui sinceritatem aliqua ex parte insicerent.

Atque id in primis de B. Catharina Genueensi prodem  
Cap. 3. 6. 17. vix ipsius locis pluribus invenio. Quæ cùm sub sacramen  
to sertim Communionem, in suavissimi Sponsi complexo,  
lestibus gaudijs ac delicijs inebriaretur, ad Amorem suum  
blandè conversa, (hoc enim nomine Christum Sponsum ap  
pellare consueverat) Itane, ajebat, mecum agitur, Amor  
mi? & me his amoris blanditijs lactare, & tibi proprie  
jungere conaris? Atqui id non semel à te contendit, ut hoc  
quidquid est ecclesiæ suavitatis subtraheres, neque illam  
dulcedine, sed vero & puro amore duceres. Non enim que  
te derivantur ac profluunt, sed ipsum te volo, dulcissime  
Amor mi. Quibus paria legimus in vita Pudentianæ Z  
gnoni

gnoni. Hæc enim itidem, si quo solatio impertiretur divinitus, solebat super hoc queri dulciter, & dilectū suum dictis talibus appellare. Non istæ equidē tua fuere promissa, Domine mi, dum nudum ac parum pati mihi pollicebare. Ecquā verò cuiq; aut infelicitate meā, bone Iesu, isto me thesauro spoliare contendis? Suspende, amabo, benignissime animæ meæ Sponse, hoc tam mihi grave iracundia tuæ consilium; & mihi vel tantulum intervalli permitte, dum præteriti temporis culpam, quo pretiosum crucis tuae margaritum, noui uti par erat, ad meos profectus converti, contentiore curâ compensare satagam. Sic illæ. Poscentq; alii plures proferri animæ sanctæ, quæ ijs carere divinis illecebribus optaverint; quod p̄ illis purum pati pro Christo eligerent, eisdemq; (ni sedulò caveatur) puro amori DEI venenum esse sentirent; uti nominatim loquebatur jam laudata B. Catharina: ausa etiam dicere, ejusmodi gustus spirituali rituales, quod incautam animam sensim inescient, & sub sub fin. specie boni blandè decipient, homini spirituali magis quam diabolum esse cavendas. Quod neque absurdè, neq; imperitè dictum sentiet, qui attenderit Doctorem Seraphicum ab eo sensu nihil admodum dissidere. Is quippe de ea disserit P. 3. Stim. miribili dulcedine cordis, docet semper securum esse de ea dubitare: quia diabolus transfigurat se in angelum lucis, & consuevit aliquando similia procurare. Vellit enim quod homo superbire, & se aliquid reputaret, ut talibus delicijs frueretur, & ibidem quiesceret, ut sic aperteretur à DEO. Et ideo (subdit) cum summa diligentia attendendum est: ut quandocum acciderit talis delectatio, aciem mentis in DEUM dirigas, nec ab ipso cor tuum discedas: & si delectari oporteat, solum de letteris in DEUM. Ad extremum autem (quod præsertim huic facit) ita concludit: Ideo pleno corde, dum sumus in hac valle miseria constituti, debemus magis appetere cum Christo cruci-

*crucifixo affligi, quam periculosis delicijs affluere.* Quapropter ex hujus S. Doctoris aliorumq; Sanctorum sententijs confidere licet quod agebamus: animæ nimirum Christum crucifixum purè amanti, dulciculos illos, tametsi spirituales sensus, cùm absunt, requirendos non esse: cùm adhuc autem, cavendum sedulò, ne illis capiatur animus; eos démq; potius veluti suspectos atque periculoſos, cavendac defugiendos esse. Nisi fortè (ut scitè excipit B. Maria

*Vit. p. 4. c. Magdalena de Pazzis) ij sint hujusmodi, qui ad crucis amo-*

*rem & laborum patientiam nos excitent. Alioquin enim &*

*ipsa negabat eos per se optandos esse: addens, Deum non*

*inveniri in his suavitatibus, sed in vera virtute: hanc autem*

*non acquiri dulcedine, etiam in rebus spiritualibus, sed o-*

*cum & tanquam sedem veræ virtutis esse, in ærumnis, ac*

*gustijs, & summè intensa magnarum vexationum acerbitate*

### §. 3.

*Crucem etiam nudam, & solatij expertem, Christi exam-*

*plo amplexandam esse.*

**H**æc igitur eo consilio dicta sint, ut (quod durum quidem difficile, sed heroicæ virtutis genus est) ex Christi Salvatoris imitatione, crucem etiam nudam, & omnis ſe- ritualis solatij expertem ac vacuam, amplexari conſilium. Hoc siquidem inter crucem Christi, & crucem Sanctorum interest: quod Christus crucem, ut erat etiam cum decorè nuda, scabra, aspera, insuavis, complexus sit; quippe nondum ipsius attractu consecratam ac decoratam, nondum, emollitâ nativâ duritie, de membris ejus sanctissimam, èam quam jam habet, suavitate aspersam ac delibutam: ut proinde in cruce nihil nisi crucem, hoc est, omnium acerbitatum complexionem, meram, inquam, amariitudinem inveniens, velut eam oppressus confectusq; exclamat: *Deus meus, Deus meus, ut quid dereliquisti me?*

At plerique Sancti , non jam crucem nudam amplexabantur , sed ipso Christo crucifixo ornatam ; Sponso utique rosee ac mellisfluo : ut jam in ipsa cruce nihil minus sentirent quam crucem , sed retusis atq; hebetatis dolorum aculeis , ipsas potius beatorum delicias experiri ac prægustare viderentur . Sic enim permultos Sanctorum Martyrum legimus , dulci illo musto de crucis torcularibus redundante , ita in pennis suis recreatos hilaratosq; fuisse , ut tanquam eo mero ebrij , vulnera sua non sentirent , quin potius præcidentibus prunis , quas nudis pedibus premere cogerentur , rosas se calcare crederent ; & inter manus ac tormenta sevientium carnificum , nunquam se dicerent jucundiū cœpulatos .

Attamen hoc verius felicitatis fuerit quam virtutis . Neque illo musto semper potat Deus electos suos , sed felle quandoque & absinthio merissimo : ut ne crucem denique propter unctionem adament , discantq; servire Deo suis impendijs , hoc est (ut etiam S. Ignatius loquitur in Exercitijs) absque praesente stipendio divinae consolationis . Atque in hunc modum ingruente spiritus desolatione , dico que in motu anima .

enitendum nobis esse , ut ad Salvatoris exemplum consuefamus crucem etiam nudam amplexu stringere ; aut , quando jam crucem sine Christo non invenimus , eandem cum Christo , sed desolato ac derelicto , stringamus .

Ad quam etiam mentem S. Teresa sorores suas formabat , cum diceret : Deum videlicet , dum nobis gustum cœpit . & suavitatem negat , nos quasi generolos milites tractare velle ; nobis in hoc mundo sic crucem imponendo , sicut eam majestas illius , quoad vixit , tulit : scilicet sine gusto & suavitate . Proindeq; negabat illum sincerius nobis aut manus amoris argumentum præbere posse , quam hoc ipsum nobis dando , quod ipse sibi alias experierit ac depoposcerit .